

AKASHVANI AIZAWL
REGIONAL NEWS BULLETIN
HEADLINES (EVENING)

Date – 13/02/2026

Time - 18:30 -18:40Hrs

- Chief Minister Pu Lalduhoman Mizoram dechhuah a neih Chief Minister Pu Lalduhoma hovin Ministry of Road Transport & Highways hnuai Mizorama hnathawh mekte vawin khan thlir ho a ni.
- International Condom Day vawin khan Health Minister Pi Lalrinpuiin Two Wheeler Taxi khalhtute condom semna tur, *Love Brigade 2.0 Campaign* a hawng.
- Parliament Budget session thawhkhatna chu vawin khan zawhfel a ni
- Union Minister for Agriculture and Farmers Welfare Shivraj Singh Chouhan chuan Loneitute thil tharchhuah tha taka vawn anih theih nan sawrkar chuan Agriculture Infrastructure Fund a siam thu a sawi.



CM

Chief Minister Pu Lalduhoma hovin Ministry of Road Transport & Highways hnuai Mizorama hnathawh mekte vawin khan thlir ho a ni a,

Chief Minister chuan, sorkar laipui Ministry of Road Transport & Highways changtu Pu Nitin Gadkari chu Mizoram chungah a tha em em a, Vairengte - Aizawl 4 lane-ah pawh entity pahnih hnena zangnadawmna pek a phalsak hial a, hetiang hi hmun dangah a la thleng ngai lo ang ti a, hei bakah hian ruahtui dawng tam state am nih vanga kawngpui rigid pavement tawh zawk tura an dilna pawh uluk taka an zirchian mek thu Union Minister hian a sawi a ni a ti.

Meetingah hian Ministry of Road Transport & Highways hnuai Mizorama hnathawh mekte leh an hnathawhna lama harsatna an tawh hrang hrangte an sawiho a. PWD chuan National Highway siamthat hna hmun eng emaw zatah an thawk mek a. Darlak leh Tuidam inkar kawng chu chak zawka bawhzui tura tih a ni.

Chief Minister-in Aizawl Thenzawl Lunglei kawngpui National Highway-a puang tura sorkar laipui a dilna chu Union Home Ministry chuan Aizawl leh Thenzawl chin a rawn pawmpui tawh a. MoRTH ngaihchan mek a nih thu tarlan a ni a.

PWD Minister kaihhraina hnuai Aizawl khawpui chung kawngpui siamthat hna a kal mek a. Tun hnai khan district capital 11 kawngpui siamthatna tur sum belh leh an ni.

Hlimena Transport Department ram chu Vehicle Scrapping Centre dah theih tura peih thawkhat a ni tawh a. Vehicle Scrapping kalpui chak hi SASCI atanga lawmman dawn theihna a nih avangin ngaihpawimawh bika neih ni se, an ti a ni.



INTNL HALF MARATHON

Naktuk zinga Aizawl Mualpui Rajiv Gandhi Stadium a Aizawl International Half Marathon intlansiakna turah mi mi 2500 vel tel tura rin a ni.

International Half Marathon a inbuatsaihna kal zelah vawin khan marathon-a tel tumte tana inzialuh theihna hmun Aizawl Lammual ah mi thahnem tak an inziak lut a, Mizoram mai bakah ramchung leh pawn atanga tel tura inziaklut an awm a ni,

Aizawl International Half Marathon curator Captain Rahul Bali chuan Akashvani Aizawl zawhna chhangin, Aizawl International Half Marathon hi tlang rama tlan (hill marathon) a nih avangin marathon dangte aiin a danglam bik a ti a. Khawvel hmun hrang hrang atangin mi 2,500 chuang an rawn tel dawn thu leh nikuma Aizawl International Half Marathon vawi 1-naah khan mi 1,500 vel an tel a; tunah chuan a hma aiin a lian tawh zawk hle a, Kenya, Ethiopia, Bahrain, United Kingdom leh France ram atangte pawhin marathon-a tel tur an rawn kal a, hei hian Mizoram chu khawvel marathon lian huangah a hruai lut a ni, a ti.

Mizoramah rel a luh tawh avangin Mizorama rawn luh a awlsam tawh thu Captain Rahul Bali chuan a sawi a, hei hi he marathon hlawhtlinna chhan lian tak pakhat a ni a ti.



INTNL CONDOM DAY

Vawiin International Condom Day pualin Mizoram State AIDS Control Society leh AIDS Healthcare Foundation India Cares te buatsaihin Aizawl Dawrpui Multi-Purpose Hall-ah hun hman a ni a. Kumin International Condom Day thupui atan hian ‘Just Use It’ tih hman a ni.

He hun hmanpuitu Health Minister Pi Lalrinpuii chuan Mizoram ah mipat hmeichhiatna atanga HIV kai an pung zel chu a ngaimawh thu leh hnam ang pawha mualphona a nih thu a sawi a, World Health Organization (WHO) pawhin Condom chu HIV leh sex atanga inkaichhawn theih natna darh zel tur venna awlsam leh tangkai ber pakhat a nih thu a tarlan angin, Mizoramah pawh Condom chungchanga ngaihndan leh rinthu diklo awm thinte paihbo a, a hman dan tur leh a nihna ang taka Condom hi hman a ni se, HIV leh mipat hmeichhiatna hman atanga inkaichhawn theih natna tam tak darh tur nasa taka a ven theih a beisei tlat thu a sawi a ni.

India ram HIV prevalence rate hi 0.2 ani a, Mizoram HIV prevalence rate erawh 2.74 a ni a, a zahthlak hle a ni a ti.

Mizoramah mahni kawppuite laka rinawm lo an tam chu pawh a tih thu leh Kristian rinna nen pawh a inhmeh loh thu a sawi bawh a, hei hi HIV darh zel nachhan lian tak pakhat a nih thu sawiin kawppui lakah rinawm turin Zoram mipuite a chah a. Chutih rualin thalaite nupui pasal neih hma a sex hmang lo tur leh a thei ngang lote chu condom hmang hreh lo turin a chah bawh.

Kan corr report lo ngaithla ang.

[International Condom Day hmannaah hian Pi Lalrinpuii chuan Love Brigade 2.0 Campaign a hawng a, Love Brigade 2.0 Campaign hnuaiah hian Two-Wheeler Taxi khalhtute hnenah Condom pai theihna tur Love Brigade Condom Jacket sem a ni a. Condom Jacket chu passenger leh a mamawh apiang ten Condom-an lak theihna atana tangkai taka hmang turin a chah a ni.](#)

[MSACS hotute chuan he Condom Jacket hi passenger leh a mamawh apiang ten Condom an lak theihna atana tangkai anih an beisei a, Mizorama HIV kai hmuhchhuah zinga zaa 70 vel hi mipat hmeichhiatna hman khaw loh atanga kai an ni a. Heng zinga a tam ber chu thalai kum 15 atanga kum 40 inkar an ni tih sawiin, HIV kai hmuh chhuah hi mi awm herh leh leplerh an ni kher lova, mi pangngai tak tak, khawtlang leh kohhranah pawh mi tangkai tak an ni fur tih an sawi a. Mipat hmeichhiatna hmang lo thei lote chu HIV bakah Sex atanga natna inkaichhawn theih dang laka an him theih nan Condom hman thin turin an chah a ni.](#)



IR MEDICAL

4th IR Battalion headquarter Mamit Luangpawla Mizoram police te tan vawiin khan an hriselna endikpui neih a ni.

Mizoram Police Headquarter in Mizoram police te hriselna ngaipawimawh a an hriselna endik run pui nei tur a atih angin vawiin khan 4th IR Battalion leh Mamit district Hospital tangkawp te chuan sipai te hriselna endikna chu an battalion headquarter Luangpawl Mamit ah neih a ni a, Mamit District Hospital atangin Doctor 3 leh thawktu dang ten sipai/police te chu NP-NCD, Mobile ICTC, NMHP (Mental health) leh NTCP (Tobacco Cessation) ah te an hriselna endik in test chi hrang hrang an nei a ni.

4th IR Battalion Commandant Pu VL Lura Hauzel chuan Mizoram Sorkar in police/sipaite hriselna leh an fitness a ngai pawimawh em em a, chuvanga vawiin pawh a Health Camp nei an nih thu sawiin Mizoram police te chu hrisel tak leh fit tak a an awm reng theih nan kawng hrang hrangin hma an la zel dawn a ni a ti a, vawiin hian Police 80 chuang hriselna endik a ni a ti.

<><><>

KOLASIB HIGHWAY

NHIDCL hotute sawmna in NHIDCL Project Engineer Saksham Tyagi leh Kolasib a Joint Action Committee on National Highway hruaitute vawiin khan Kolasib College Venga NHIDCL Site Office-ah an in kawm a.

Meeting ah hian Project Engineer Saksham-a chuan, an hnuaia Contractor te work schedule leh an hnathawh tawh dan hrang hrangte lo hrilh in, theihtawp chhuaha Kawngpui siam hna an thawh mek thu a sawi.

Hetihlai hian JAC on NH hruaitute chuan hun rei tak Kawngpui siam hna thawh anih tawh laia hmasawmna bei tham tak chu hriatthiam harsa an tih thu an sawi a. An lungawilohna lantir nan kar leh thawhtanni chawhma dar 11 ah Diakkawn YMA Hall kawtah pungkawm in, NHIDCL office thleng Kawngzawh an tum chu hlau thawng lo tur leh boruak muanawm tak hnuaiah neih an tum thu an sawi a. Inkawmhona ah NHIDCL General Manager ber alo awm lo chu pawl an tih thu an sawi a ni.

Kawngzawh na ah 'Resolution' te siam in, an pass theih chuan office pawh kalh a ngaih loh tur thu an sawi a, chutihlai chuan Kawngzawh chu thulh thei annih loh thu an sawi ani.

Kan corr thudawn danin, NHIDCL General Manager BK Shrivastava hi Aizawl By-Pass Road buaipui a a zin bo lai a ni a. A aiawh in Project Engineer hian meeting alo neihpui in, JAC on NH te hi an Chairman Pu Malsawmtluanga hoin an tel a ni.

<><><>

BJP

Mizoram BJP State Vice President Pu Lalduhawman Mizoram Universal Health Care Scheme atana sum pûk chungchangah BJP-in ZPM kut an ben khalh a ti.

Vawiin-a BJP Mizoram State Office-a Friday Political session an neihah he thu hi sawiin, Pu Lalduhawma Pachuau chuan Mizoram Universal Health Care Scheme chu tuna Sorkar lai ZPM chuan theihtâwp chhuahin an kalpui a, tunah hian Asian Development Bank ah Cheng Vbc 800 an puk thei dawn ta a, he MUHCS atana sum pûk ah hian BJP-te hian kut an ben khalh thei ta thung tih mipuite hriatah an puan an duh a ti a, a chhan chu MUHCS atana Cheng Vbc 800 an pûk theihna tur hian State Sorkar ringawt hian an ti thei lova, Central puihna an mamawh a. Central chuan

Mizoram ang State, mahni kea la ding thei lo an ni tih hriain leh Mizoram mipuite hriselna hmâ khua ngaiin, sum puk tur Za a Sawmkua chu Central-in a rulh sak dawn vang a ni, a ti.

Lalduhawma chuan BJP Mizoram in Central Sorkar, Pu Modi kaihhruaiin Mizoram a hmangaih zia an hmuhin an lawm hle a, kut an lo ben khalh thei hial a ni," a ti.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

HAWITE KUT

Kolasib District a Chemphai Agriculture Farm ah vawiin khan Hawite Kut hman a ni a.

Bilkhawthlir Farmer Producer Organisation, Farmer Interest Group, Thingdelh leh Block Agriculture Office, Bilkhawthlir te bultumin he kut hi hman a ni a, DC Pu Robert Lalhmangaihan a hmanpui a ni.,

Kolasib DAO Pu Joseph Lalnuntluanga chuan thlai hriak nei leh be lam ching uar tura inzirtirna bul tanna leh Hawite Kut hawna atan buatsaih a nih thu a sawi a. Be lam chi ah scheme thar an kalpui chhoh tan thu leh support prize hmanga loneitute tharchhuah leisak a nih tur thu a sawi bawk a. Nihawi chi khat-Hawite bik hi nikum lamah chin tan niin tlawhtu an thahnem em em a, tun tumah hian uar zawka chin a, a tlawhtu azirin kumthar lamah nasa lehzuala beih an tum thu leh Agri tourism kalpui chhoh an tum thu a sawi bawk.

<><><>

PARLIAMENT

Parliament Budget session thawhkhatna chu vawiin khan zawhfel a ni a. Session thawhhnihna hi thlaleh ni 9 ah an tan leh dawn a ni. Parliament session thawhkhatna hi thla hmasa ni 28 khan tan niin inkhawm tan niah President Droupadi Murmu-i chuan Parliament inhnih member thukhawm hmaah thu a sawi a ni. Vawiin session thawhkhatna tawp niah Union Minister hrang hrang ten an ministry kaihhnawih lehkha pawimawh house dawhkanah an pharh a. Hemi hnu hian Presiding Officer Sandhya Ray chuan thlaleha thukhawm leh turin inkhawm a titawp a ni.

Rajya Sabha-ah chaun Zero hour leh Question Hour-ah Union Agriculture and Farmers' Welfare Minister Shivraj Singh Chouhan chuan zawhna chhangin Prime Minister Narendra Modia kaihhruaina hnuaihan loneitute harsatna tawh hrang hragn chingfel tura hmalak a ni a ti a. Loneitute thil tharchhuah tha taka vawn anih theih nan sawrkar chuan Agriculture Infrastructure Fund a siam thu a sawi a ni.

WORLD RADIO DAY

Vawiin hi World Radio Day a ni a. Kum 1946 February ni 13 khan United Nations Radio din ni hriatreng nan hian World RadioDay hi hman thin a ni. Kuminah hian World Radio Day thupui atan Radio and Artificial Intelligence:AI is a tool, not a voice tih hman a ni a. Ramchhungah pawh hmun hrang hrang ah World Radio Day pual hian hun hman a ni.

Akashvani hian a dintirh atangin midangte tana malsawmna leh midangte hlimna thlentu Bahujan Hitaya, Bahujan Sukhay tih thupui a hmangin ram rawngbawl hna a thawk a. Kum 1936 ah din anih hnua ramin zalenna a neih rualin sawrkar kutah lak a ni a. Vawiinah chuan khawvela broadcasting organisation lian berte zing ami a ni tawh a ni. World Radio Day puala a thuchahah Union Minister of State I&B Dr.L.Murugan chuan thu pawimawh thehdarh kawngah radio chu a pawimawh em em a ti a. A puitlin chhohna kawngah radio a ngaihthlak nasat thu a sawi bawh a ni.

<><><>